

Ataqatigiissaarinermut ataatsimiititaliat aamma ataqatigiissaarinermut immikkoortortat pillugit kaajallaasitaq nr. 5, 2. september 2022-mersooq

Naalakkersuisut Suleriaasianni § 1, imm. 4 naapertorlugu aalajangersarneqarput:

Naalakkersuisut politikkikkut sulinerannik ataqatigiissaarineq

§ 1. Ataqatigiissaarinermut ataatsimiititaliaq ataaseq aamma ataqatigiissaarinermut immikkoortortat pingasut Naalakkersuisut politikkikkut sulinerannik ataqatigiissaarisussatut pilersinneqassapput.

Imm. 2. Ataqatigiissaarinermut ataatsimiititaliap aamma ataqatigiissaarinermut immikkoortortat politikkikkut akisussaaffeqarfiit akimorlugit, innuttaasut inuiaqatigiillu pisariaqartitaasa ataatsimoortutut isiginerat aallaavigalugu, Naalakkersuisut politikkikkut siunnerfiisa ataqatigiissaariffiginissaat suliassaraat.

Imm. 3. Taamatuttaaq politikkikkut akerleriiffiusinnaasut isumaqatigiinngiffiusinnaasullu, suliassat Naalakkersuisuni ataatsimiissutigineqannginneranni oqaluuserineqarsimanissaat aaqqiiviginiarneqarsimanissaallu, taakkua qulakkiissavaat.

Imm. 4. Naalakkersuisut Siulittaasuut politikkikkut suliassat ataasiakkaat aaqqiiviginissaannut, ataqatigiissaarinermut immikkoortortanik allanik pilersitsisinnaavoq.

Ataqatigiissaarinermut ataatsimiititaliaq

§ 2. Ataqatigiissaarinermut ataatsimiititaliamiipput:

- 1) Naalakkersuisut Siulittaasuut.
- 2) Naalakkersuisut Siulittaasuata tullia.
- 3) Aningaasaqarnermut, Naligiissitaanermullu Naalakkersuisoq.
- 4) Nunanut Allanut, Inuussutissarsiornermut Niuernermullu Naalakkersuisoq.

Ataqatigiissaarinermut ataatsimiititaliap suliassai

§ 3. Naalakkersuisut ataqatigiissaagaasumik suliniuteqarnissaat aammalu naalakkersuisooqatigiinnissamut isumaqatigiissummi siunnerfiit anguneqarnissaasa qulakkeernissaat, ataqatigiissaarinermut ataatsimiititaliap suliassaraa.

Imm. 2. Aamma Naalackersuisut sulinermi pisussanut pilersaarutaata malinnaaviginissaa ataqatigiissaarinermut ataatsimiititaliap suliassaraa.

Imm. 3. Suliassat suliassaqrfiit akimorlugit suleqatigiinnissamik pisariaqartitsiviusut, ataqatigiissaarinermut ataatsimiititaliap sularissavai.

Imm. 4. Suliassat politikkimut imaluunniit aningaasaqarnermut tunngasut pingaaruteqartut, avataaneersut suleqatigisat akuliutsinnginneranni, tamatigut ataqatigiissaarinermut ataatsimiititaliami sularineqartassapput.

Imm. 5. Suliassat suut ataqatigiissaarinermut ataatsimiititaliap sularissanerai, kiisalu suliassat suut ataqatigiissaarinermut immikkoortortanit sularineqassansut, ataqatigiissaarinermut ataatsimiititaliap aalajangissavai.

§ 4. Ataqatigiissaarinermut ataatsimiititaliap suleriaasissani nammineerluni aalajangersassavaa.

Imm. 2. Naalackersuisut Siulittaasuata Naalackersuisoqarfiani naalackersuisoqarfimmut pisortaaneq Ataqatigiissaarinermut ataatsimiititaliamut allattaavoq.

Ataqatigiissaarinermut immikkoortortat

§ 5. Inunnut Ataqatigiissaarinermut immikkoortortat tassaapput:

- 1) Meeqqanut, Inuusuttunut, Ilaqutariinnut Peqqissutsimullu Naalackersuisoq, siulittaasoq.
- 2) Isumaginninnermut Sulisoqarnermullu Naalackersuisoq.
- 3) Ilinniartitaanermut, Kultureqarnermut, Timersornermut Ilageeqarnermullu Naalackersuisoq.
- 4) Ineqarnermut Attaveqaasersuutinullu Naalackersuisoq.
- 5) Aningaasaqarnermut, Naligiissitaanermullu Naalackersuisoq.

§ 6. Aningaasaqarnermut Inuusutissarsiornermullu Ataqatigiissaarinermut immikkoortortat tassaapput:

- 1) Aningaasaqarnermut, Naligiissitaanermullu Naalackersuisoq, siulittaasoq.
- 2) Nunanut Allanut, Inuusutissarsiornermut Niuernerullu Naalackersuisoq.
- 3) Nunalerinnermut, Imminut Pilersornermut, Nukissiutinut Avatangiisinullu Naalackersuisoq.
- 4) Aatsitassanut Inatsisillu Atuutsinneqarnerannut Naalackersuisoq.
- 5) Aalisarnermut Piniarnermullu Naalackersuisoq.

§ 7. Pisuussutinut uumassusilinnut Avatangiisinullu Ataqatigiissaarinermut immikkoortortat tassaapput:

- 1) Aalisarnermut Piniarnermullu Naalackersuisoq, siulittaasoq.
- 2) Nunalerinnermut, Imminut Pilersornermut, Nukissiutinut Avatangiisinullu Naalackersuisoq.

Ataqatigiissaarinermut immikkoortortat suliassaat

§ 8. Ataqatigiissaarinermut immikkoortortat ataasiakkaat akisussaaffeqarfiisa iluanni Naalackersuisut siunnerfiisa ataqatigiissaarneqarnissaannik qulakkeerinissaq, ataqatigiissaarinermut immikkoortortat suliassaraat.

Imm. 2. Ataqatigiissaarinermut immikkoortortap akisussaaffeqarfiisa iluanni politikkikkut pingaarnersiunerit, ataqatigiissaarinermut immikkoortortani ataasiakkaani suliassanik ataqatigiissaarinermi ingerlaavartumik oqaloqatigiissutigineqartassapput.

Imm. 3. Naalackersuisup Naalackersuisut isummernissaannut tunngavissiamik suliaqartup, isummernissamut tunngavissiap Naalackersuisuni ataatsimiinnissamut oqaluuserisassani ilanngunneqannginnerani, ataqatigiissaarinermut immikkoortortami politikkikkut tusarniaassutigineqarnissaa qulakkiissavaa.

Imm. 4. Ataqatigiissaarinermut immikkoortortat ataqatigiissaarinermut ataatsimiititaliap ataaniipput.

§ 9. Ataqatigiissaarinermut immikkoortortat nammineerlutik suleriaasissartik aalajangersassavaat aammalu siulittaasortik aamma siulittaasup tullia nammineerlutik toqqassallugu.

Imm. 2. Ataqatigiissaarinermut immikkoortortanut ataasiakkaanut allattoqarfeqarneq, ataqatigiissaarinermut immikkoortortanut ataasiakkaanut siulittaasutut toqqarneqarsimasumut Naalackersuisoqarfimmi pisortaanermit isumagineqassaaq.

Imm. 3. Akisussaaffeqarfimmik iluanni suliassaqarfiit akimorlugit suliassat oqaluuserisassaniilernissaat, Naalackersuisunut ilaasortat ataasiakkaat akisussaaffigaat.

Imm. 4. Suliassaq ataqatigiissaarinermut ataatsimiititaliamut saqqummiunneqartariaqartoq ataqatigiissaarinermut immikkoortortaq naliliippat, suliassaq ataqatigiissaarinermut immikkoortortap ataqatigiissaarinermut ataatsimiititaliamut nassiutissavaa.

Ataatsimiittarnerit

§ 10. Ataqatigiissaarinermut ataatsimiititaliaq aamma ataqatigiissaarinermut immikkoortortat qaammammut minnerpaamik ataasiarlutik ataatsimiittassapput.

Imm. 2. Ataqatigiissaarinermut ataatsimiititaliami Naalackersuisut Siulittaasuata Naalackersuisoqarfia ataatsimiigiqqusisuussaaq.

Imm. 3. Ataqatigiissaarinermut immikkoortortani siulittaasuusoq ataatsimiigiqqusisuussaaq.

Atuutilersitsineq

§ 11. Kaajallaassitaq ulloq 3. septembari 2022 atuutilissaaq.

Naalakkersuisut Siulittaasuata Naalakkersuisoqarfia, ulloq 2. septembari 2022

Múte Bourup Egede
Naalakkersuisut Siulittaasuat

/ Simigaq Broberg